



Broj: 150-16-35-1190- 18 /23 MM
Sarajevo, 05.10. 2023. godine

Na osnovu člana 70. stav (1) i (3) i člana 89. Zakona o javnim nabavkama („Službeni glasnik BiH“, 39/14 i 59/22), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine, broj: UV-122-01-1-1045-11/21 od 28. aprila 2021. godine, broj: UV-104-01-1-1425-15/21 od 29. juna 2021. godine i broj: UV-122-01-1-2029-11/22 od 28. novembra 2022. godine, člana 13. stav (2) tačka b) i člana 45. stav (2) Pravilnika o javnim nabavkama Centralne banke Bosne i Hercegovine, broj: -122-02-1-829-12/23 od 30.03.2023. godine, guverner Centralne banke Bosne i Hercegovine, donosi

O D L U K U

o izboru najpovoljnijeg ponuđača u postupku javne nabavke robe – klime/inverteri i konvektori za potrebe Centralne banke Bosne i Hercegovine Filijale Brčko – LOT 2

Član 1.

Centralna banka Bosne i Hercegovine (u daljnjem tekstu: Centralna banka), ugovor za nabavku robe – klime/inverteri i konvektori za potrebe Centralne banke Bosne i Hercegovine Filijale Brčko – LOT 2, putem konkurentskog zahtjeva za dostavu ponuda, dodjeljuje ponuđaču INTER-COM d.o.o. Zenica, u svemu prema Ponudi broj: 00601-09/23-b.

Član 2.

Ponuda ponuđača iz člana 1. ove odluke, glasi na iznos od:

4.916,80 KM bez uračunatog PDV-a
(slovima: četirihiljadedevetstotinašesnaest konvertibilnih maraka i 80/100)

odnosno

5.752,66 KM sa uračunatim PDV-om
(slovima: pethiljadasedamstotinapedesetdviije konvertibilne marke i 66/100).

Član 3.

Centralna banka će, po sticanju uslova za zaključenje ugovora na osnovu Zakona o javnim nabavkama, s izabranim ponuđačem iz člana 1. ove odluke zaključiti ugovor, za čije se izvršenje zadužuje Centralna banka Bosne i Hercegovine Filijala Brčko (u daljem tekstu: Filijala Brčko).

Član 4.

Za realizaciju ove odluke zadužuju se Filijala Brčko, Odjeljenje za javne nabavke Centralnog ureda Centralne banke Bosne i Hercegovine i Odjeljenje za računovodstvo i finansije Centralnog ureda Centralne banke Bosne i Hercegovine.

Član 5.

Ova odluka će se objaviti na web stranici Centralne banke www.cbbh.ba, istovremeno sa upućivanjem obavještenja o rezultatima postupka ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 6.

Ova odluka stupa na snagu danom donošenja.



O b r a z l o ž e n j e

Postupak javne nabavke robe - klime/inverteri i konvektori, pokrenut je Odlukom, broj: 150-16-35-1190-14/23 MM od 29.08.2023. godine. U skladu s tim, Centralna banka na portalu Javnih nabavki objavila Obavještenje o nabavci broj: 1370-7-1-440-3-303/23 objavljeno 04.09.2023. godine.

U roku određenom za prijem ponuda, odnosno do 15.09.2023. godine blagovremeno su dostavljene dvije ponude za LOT 2 sljedećih ponuđača:

- TEHNO-MAG d.o.o. Orašje,
- INTER-COM d.o.o. Zenica.

Komisija za provođenje postupka javne nabavke je izvršila pregled i ocjenu ponuda i konstatovala da ponuda ponuđača Inter-com d.o.o. Zenica ispunjava sve uslove iz tenderske dokumentacije i da je ista prihvatljiva.

Komisija je utvrdila da je ponuda ponuđača Tehno-mag d.o.o. Orašje nepravilna iz sljedećeg razloga: Tenderskom dokumentacijom i to tačkom 4.1. je traženo da ponuđač dokaže sljedeće: „*Da ponuđena roba koja je predmet nabavke ispunjava sve tehničke karakteristike tražene tehničkim specifikacijama za svaki lot za koji se dostavlja ponuda*“. U dokumentaciji koju je navedeni ponuđač dostavio u svojoj ponudi za klimu pod rednim brojem 1 (12-ka) i rednim brojem 2 (18-ka) nedostaje područje rada temperature - Grijanje i hlađenje pri temperaturi od -20 C, kao što je zahtijevano tehničkom specifikacijom.

Komisija je u Zapisniku o pregledu i ocjeni ponuda, broj: 149-16-35-1621-6/23 od 02.10.2023. godine i Izvještajem o radu sa preporukom, broj: 149-16-35-1621-7/23 od 02.10.2023. godine dala preporuku kao u dispozitivu ove odluke.

Pouka o pravnom lijeku:

Protiv ove odluke može se u pisanoj formi uložiti žalba Centralnoj banci Bosne i Hercegovine u roku od 5 dana od dana prijema ove odluke.

GUVERNER

dr. Senad Softić



Dostaviti:

- guverneru,
- viceguvernerima
- predsjedniku i članovima komisije
- Odjeljenju za računovodstvo i finansije (original)
- Odjeljenju za javne nabavke (original)
- Filijali Brčko
- Ponuđačima (original)
- u spis predmeta (original)
- arhiva